

ANG

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Bisaya
Bolyum XXXVII Numero 5
Marso 7, 2006
www.philippinerevolution.org

Editorial

Batokan ang teroristang paghari sa rehimeng Arroyo

Matapos lamang ang usa ka semana, napugos na si Gloria Arroyo nga bakwion niining Marso 3 ang iyang gideklarang proklamasyon nga nagbutang sa tibuok nasud ubos sa "state of emergency." Sumalà sa iyang mga bata-bata, nawagtang na kuno sa dakong bahin ang hulga sa seguridad sa nasud. Gideklara niya ang Presidential Proclamation 1017 niadtong Pebrero 24.


Ang tinuod, gisugat sa kaylap ug kusganon nga pagmakmak ang PP 1017 sulod ug gawas sa Pilipinas. Gikwestyon ang ligalidad sa deklarasyon. Gipanghimakak ang giingon nga mga basehan niini. Wala tumana ang mga pagdili sa rali ug uban pang pagprotesta. Dugang milapad ang pakigbatok sa katawhan ug mga panawagan nga palagpoton si Arroyo.

Gihimo ni Arroyo ang paaron-ingnon nga pagbakwi sa PP 1017 tungod kay naglisud kining atubangan ang kaylap nga pagmakmak, ug aron unhan ang un-samang posibleng hukom sa Korte Suprema mahitungod niini. Apan padayon ang iyang pagpanglingla, pagpamakak ug pagpamig-ot. Wala kini'y kalahian sa minì nga pagwagtang sa balaud militar ni Marcos dihang gideklara niya ang "normalisasyon" niadtong 1981.

Nagsunod sa pasundayag nga pagbakwi sa PP 1017,

gideklara ni Arroyo ug sa iyang mga bata-bata nga padayon niining lutoson ang kunohay mga "kakunsabo sa kudeta." Duyog niini, gipagula ang mga panghuraw nga regulasyon alang sa masmidya aron segurohon nga motuman kini sa mga "gibadlis nga sukdanan" sa rehimen. Padayon nga target sa mapanumpuon nga lakang ang lapad nga nagkahiusang prente sa mga patriyotiko, demokratiko ug progresibong pwersa ug uban pang pwersang nakigbatok sa rehimen.

Nanghulga ang rehimen nga ibalik niini ang PP 1017 o susama niini "kung gipangayo pag-usab sa kahimtang." Padayon ang kaylap nga pasistang kontra-opensiba sa nagharing itoy ug pasistang rehimeng Arroyo aron ipabilin ang kaugalingon sa gahum ug ipahamtang ang labaw'ng mangilngig pang mga palisiyang antinasyonal, anti-



Mga nagbaga ning isyuha...

Pasismo ubos sa Proclamation 1017

PANID 3

Tubag sa BHB sa Proclamation 1017

PANID 5

"People Power," unang halad sa Sine Proletaryo

PANID 12

demokratiko ug antikatawhan.

Nagpabilin ang larga-todo nga kampanya sa anihilasyon batok sa mga rebolusyonaryo ug progresibong pwersang ligal ug iligal, armado ug dili armado, ingon man usab batok sa uban pang oposisyong politikal ug yanong lumulupyong nga nagpasiugda sa pagtapos sa gikasilagang dunot, bangis, itoy ug iligal nga rehimen.

Atubangan niini, walay laing kapilian ang mga pwersang anti-Arroyo kundili ang pagpalapad ug pagpakusog sa mga kalihukang masa ug padayon nga pagdani sa nagkalain-laing sektor sa katilingban, lakip ang mga matarong nga opisyal sa gobyerno ug mga pwersang militar ug kapulisan, nga mowidro na og suporta sa rehimen Arroyo.

Kinahanglan nga batokan kutob sa mahimo sa rebolusyonaryong kalihukan ug katawhan ang mga pasistang ataki kanila ug labaw pang palapdon ug pakusgon ang tanang dagway sa pakigbisog aron malumpag si Gloria Arroyo. Dili masarang nga mas maayo ang kahimtang karon alang sa labaw pang pagpalapad sa nagkahiusang prente nga anti-Arroyo ug anti-pasista.

Kinahanglan nga aktibong ma-

nguna ang mga rebolusyonaryong pwersa sa walay puas nga pagbutyag ug pagmakmak ug hingpit nga panubagon ang itoy ug pasistang rehimen.

Kinahanglan nga manlimbasog ang mga rebolusyonaryo ug progresibong pwersa nga labaw pang palapdon ang mga alyansang anti-Arroyo ug antipasista sa nasudnong linangkuban ug sa nagkalain-laing rehion ug lokalidad. Mahimong matukod ang usa ka bag-ong alyansa aron maabot ang mas lapad pang han-ay o dili kaha mamidyosan ang pagpanumpo sa pasistang rehimen.

Nagtunhay ang mga basehan aron mobuylo sa tumang kakusog ang katawhan batok sa rehimen nga nagturatoy na nga nahimong pasista. Pasiugdahan ug awhagon nato ang diwa nga masuklanon sa han-ay sa katawhan ug pakaylapon ang maisogon nga pagsalikway sa mga pasistang mando. Magtukod og lain-laing sentro sa pakigbatok nga anaay lapad nga payong sa nagkahiusang prente.

Padayon nga ipunting ang mga pagpaningkamot nga pukawon, organisahon ug palihokon ang katawhan sa panukaranan sa mga sibaw nga isyu sa korapsyon, kagutom ug pagpanglupig ug hugot

nga i-angkla kini sa panawagan nga palagpoton si Arroyo sa Malakanyang. Angay lamang nga paninglon ang dunot nga gobyernong Arroyo sa nangawala o nadispalko nga mga pondo, ihingusog ang pagpabalik sa giwaldas nga mga pundo ngadto sa tinuod nga angay makabenepisyo niini ug papanubagon ang rehimen sa pagpanglungkab ug uban pang kalambigit nga krimen.


Tapoon ang kasuko sa katawhan sa pagpangurakot sa rehimen Arroyo sa binilyon nga pundo gikan sa panudlanan sa katawhan samtang kaylap ang kagutom ug kalisud sa katawhan. Makmakon ang pagpuga ug pagpangulipon sa rehimen sa mabagang masa sa katawhan pinaagi sa mga programa ug palisiya nga pabor sa mga imperyalista, dagkong agalong yutaan, dagkong burgesya komprador ug dagkong korap nga opisyal sa iyang rehimen.

Labaw'ng mitaas ang rebolusyonaryong kahimatngon sa katawhan sa hait nga pagpatin-aw sa mga gamut-hinungdan sa ilang kagutom ug kaulipnan—ang paghari sa imperyalismong US, pyudalismo ug burukrata kapitalismo sa nasud. Pun-tiryahon niini dili lamang ang itoy ug pasistang rehimen Arroyo, kundili lakip ang tibuok nagharing sistemang semikolonyal ug semipyudal.

Kinahanglan nga ibansiwag kining mga isyuha sa mga daw higanting paglihok sa entero kapupud-an.

Duyog sa pagpakusog sa pakigbisog nga anti-Arroyo, kinahanglan nga palagsikon ang mga pangmasang pakigbisog ug ang kalihukang propaganda alang sa demokratikong rebolusyon sa katawhan.

Labaw pang pakusgon sa Bagong Hukbong Bayan ang mga taktikal nga opensiba ug rekrutment sa bag-ong mga Pulang manggugubat. Dugang kinahanglan nga pakusgon ang armadong rebolusyon aron epektibong batokan ang mga kaloog ug pagpangulipon sa pasistang rehimen ug ipaamgo sa katawhan ang hustong

	
Bol. XXXVII No. 5 Marso 7, 2006	
Ang <i>Ang Bayan</i> gipagula sa pinulongang Pilipino, Bisaya, Iloko, Hiligaynon, Waray ug Ingles.	
Mahimo kining <i>i-download</i> gikan sa Philippine Revolution Web Central nga mahipalgan sa:	
www.philippinerevolution.org	
Modawat ang <i>Ang Bayan</i> og mga tampo sa dagway sa mga artikulo ug balita. Gi-awhag usab ang mga magbabasa nga magpadangat og mga pag-saway ug rekomendasyon ngadto sa pagpalambo sa atong mantalaan.	
Maabot kami pinaagi sa <i>email</i> sa editors_angbayan@yahoo.com	
<p style="text-align: center;">Mga unod</p>	
<p>Editorial</p>	
Batokan ang teroristang paghari sa rehimen Arroyo	1
Proclamation 1017 ug GO No. 5	3
Mga protesta sa mga Pilipino sa US, Canada, Hongkong	4
Mga aksyong militar sa BHB	5
Ambus sa BHB sa Negros	6
Padayon ang panagbingkil sulod sa AFP	8
Si Lt. Crispin Tagamolila	9
50 ka tuig sa anti-rebisyonismo	10
Unang halad sa Sine Proletaryo	12
<p>Sa laing kanasuran</p>	
Paglingkawas sa kababyen-an sa China	13
Bisita ni Bush sa India ug Pakistan	15
<p>Balita</p>	
	16
Ang <i>Ang Bayan</i> gimantala duha ka beses matag bulan sa Komite Sentral sa Partido Komunista sa Pilipinas	

rebolusyonaryong direksyon. Kinahanglan nga mas palapdon ug pasubsobon pa ang mga batakang taktikal nga opensiba. Kinahanglan usab nga hatagan og dugang nga partikular nga pagtagad ug mas himuong makanunayon ang mga espesyal nga taktikal nga opensiba nga nag-igo sa ulo ug nagpadangat og galanog nga politikanhong mensahe ngadto sa pasistang rehimen ug sa tibuok katawhan.

Kinahanglan usab nga hingpit nga batokan ug pakyason ang hinungog nga pagpangataki ug kampanyang anihilasyon (pagpuo) diha sa mga rebolusyonaryo ug progresibong pwersa. Laoman ang pagpaling sa pasistang rehimen sa pinakamadagmalon ug pinakamangilngig nga pagpanumpo batok sa mga tinuod nga rebolusyonaryo ug progresibong pwersa sa kabanikanhan ug kasyudaran. Karon pa lamang, nahitabo na ang mas kaylap, mas linoog ug mas garapal pa nga pagpatumang sa palisiya sa pagpamatay ug pagpangabuso diha sa mga progresibong pwersa ug mga organisasyon sa batakang masa.

Samtang lig-on nga nagpursigir sa pagpaasdang sa mga pakigbisog sa katawhan, kinahanglan nga dugangan ang mga lakang aron ibutang sa kasegurohan ang mga progresibong pwersa ug pakyason ang pagpanggun-ob sa pasistang kaaway. Subay niini, kinahanglan nga dugang palapdon ug palawmon ang kalihukang tago sa kasyudaran, samtang gihingusog ang mga ligal nga katungod ug mga dayag nga kalihukang masa. Duyog niini, ang mga pwersang markado sa kaaway para sa likidasyon gitambagan nga mobalhin sa kabanikanhan aron modangop sa proteksyon sa mga rebolusyonaryong armadong pwersa o molihok sa natad sa armadong pakigbisog.

Ingon usab, kinahanglan nga palawmon ang kalihukang tago ug ang pagsikreto sa kabanikanhan. Seryoso nga pangandaman ang hulga sa mas kaylap nga pagpamatay ug pagmasaker batok sa kalihukang masa sa kabanikanhan. Bansayon ang mga organisasyong masa ug mga baryo sa pakigharong ug maniobrahay sa pagpanagmal, pagpanghadlok ug pagpamig-ot sa mga pasistang tropa. Tanang mga elementong sigurado o lagmit nga target sa asasinasyon sa mga pasistang pwersa kinahanglang mag-usab gilayon sa kinaiya o moda sa paglihok ug hugot nga molihay sa mga markadong lugar, pagpakahon ug pagpapatern sa kaaway.

Tanang nangulo nga komite sa Partido kinahanglan mohatag og makuti ug maampingon nga pagtagad aron segurohon ang paspas, luwas ug padayon nga dagan sa komunikasyon sa iya-iyahay'ng gilangkoban ug sa mga nahataas nga organo sa Partido. Seguruhon nga paspas ug luwas ang dagan sa mga taho ug instruksyon tali sa mga namunong komite ug mga gipamunoang yunit sa Partido. AB

Proclamation 1017 ug General Order No. 5


Mga pasistang ataki diha sa mga pwersang anti-Arroyo

Usa sa mga nag-unang target sa Presidential Proclamation (PP) No. 1017 nga nagdeklara og "state of emergency" (SONE) ug pagpagula sa nag-ubay nga General Order (GO) No. 5 ang mga pwersang naglangkob sa lapad nga nagkahiusang prente batok sa paghari ni Arroyo, ilabina ang mga lider sa mga progresibong partido.

Aron kahatagan og rason ang gihimong kaylap nga pagpanumpo, gihulagway ni Arroyo nga nagplano og usa ka kudeta ang usa ka alyansa nga "Wala-Tuo" nga gilangkoban kuno sa mga rebeldeng sundalo, Bagong Hukbong Bayan, mga partidong oposisyon ug mga ligal nga organisasyon. Nagpagula ang Department of Justice (DOJ) og usa ka talaan kunduin nagkasaksak-sinagol ang pangalan sa mga ilhadong lider sa PKP-BHB-NDF, mga sundalo ug opisyal nga anti-Arroyo ug mga lider sa mga ligal nga progresibong partido.

Gi-aresto nga walay mandamyento o *warrant* si Rep. Crispin "Ka Bel" Beltran niadtong Pebrero 25 nga nahisupak sa mga batakan nga tawhanong katungod ug wala ni pudyot nga konsiderasyon sa iyang nahimutangan isip kongresman. Aron lamang matanggong, dakong kabuang nga gigamit sa DOJ ang hupas na nga kasong rebelyon nga gisang-at sa diktaduryang Marcos batok kang Ka Bel niadto pang 1985.

Taliwala sa kaylap nga pagmakmak niini, nagsang-at og bag-ong kasong rebelyon ang DOJ batok kang Ka Bel base sa kunohay pagkalambigit kaniya sa pag-sulay nga kudeta. Tungod kay tibuok kinabuhi nga pagkabilanggo ang silot sa kasong rebelyon, dili magamit ni Ka Bel ang gihatag kaniya nga imyunidad (dili dugtan sa kaso) isip kongresista batok sa pag-aresto tungod kay aplikable lamang kini kung ang



gi-atubang nga kaso anaay silot nga unom ka tuig nga pagkabilanggo o mas ubos pa.

Hapit duha ka semana na nga nabilanggo sa Camp Crame ang 73 anyos nga si Ka Bel. Niining ulahi, napugos ang rehimen nga temporaryo siyang isulod sa PNP General Hospital tungod sa iyang altapresyon o hayblad ug *diabetes*. Bugtong ang iyang pamilya ug mga abogado lamang ang makabisita kaniya. Luyo niini, matag adlaw anaay nagpiket gawas sa Camp Crame aron iduso ang pagpalaya kaniya.

Nagplano usab ang rehimen nga arestuhon ang mga kongresman nga sila Satur Ocampo, Teodoro Casiño ug Joel Virador sa Bayan Muna, Liza Maza sa Gabriela Women's Party ug Rafael Mariano sa Anakpawis. Sama ni Ka Bel, gilambigit usab sila sa kunohay plano nga kudeta. Bugtong ang kaylap nga pagsupak ug pagdumili sa ilang mga kaparehong kongresman ang nagpugong sa pagaresto kanila sa PNP. Anaa sila karon ubos sa kustodiya sa kongreso ug kapin usa ka semana na nga nagpuyo sulod sa bilding sa Batasang Pambansa. Walay adlaw nga molabay nga walay nagpadayag ug suporta kanila gikan sa lainlaing mga personahe ug organisasyon.

Anaa usab sa listahan sa mga arestuhonon si kanhing senador Gregorio Honasan ug mga aktibo ug retiradong opisyal ug sundalong gisingon nga lakip sa pag-organisa sa mga grupong anti-Arroyo sulod sa AFP ug PNP.

Gihuraw usab ni Arroyo si kanhing Presidente Corazon "Cory" Aquino nga walay hunong sa pagpanawagan nga moluwat si Arroyo sa poder. Si Aquino ang tinuod nga target sa pugos nga paglambigit sa laraw nga kudeta kuno sa igsoon ni Cory nga si kanhing Kongresman Jose "Peping" Cojuangco ug kang Pastor "Boy" Saycon.

Gipiit usab si kanhing Presi-

Mga protesta sa mga Pilipino sa US, Canada, Hongkong

Padayon nga nag-asdang ang mga protesta sa mga Pilipino sa langyaw'ng kanasuran batok sa Proclamation 1017 ug sa minî nga pagbakwi niini. Sa US ug Canada, nagpadayon ang kaylap nga kampanyang petisyon sa mga progresibo ug demokratikong organisasyon sa mga Pilipinong migrante ug mga tigsuporta nila batok sa bag-ong pasistang diktadurya hangtud nga mapalagpot si Arroyo sa poder.

Niadlong Marso 1 gisugdan ang paglunsad sa sustenidong mga lihok protesta batok sa 1017 sa pagpangulo sa Gabriela Network USA. Misaad sila nga maglunsad og adlaw-adlaw nga mga demonstrasyon ug piket atubangan sa Philippine Embassy ug mga konsulada sa Pilipinas sa nagkalain-laing dapit sa US. Sa Chicago, Los Angeles, San Francisco ug Seattle, wala mapugngi sa pag-ulan og nyebe ang pagmartsa sa mga Pilipino ug mga tigsuporta nila batok sa mga pasistang lakang ni Arroyo. Aduna usa'y mga paglihok sa nagkalain-laing makinasnong ug demokratikong organisasyon sa New York ug Los Angeles niadtong Pebrero 27. Sa Canada, nagpagula og pamahayag sa pakighiusa sa katawhang Pilipino niadtong Pebrero 24 ang nagkalain-laing grupo nga nagpasiugda sa tawhanong katungod ug mga organisasyon sa migranteng Pilipino.

Sa Hongkong, naglunsad usab og rali ang mga migrante niadtong Pebrero 27 sa pagpangulo sa United Filipinos in Hongkong (UniFil) ug Migrante International. Sa Bangkok, Thailand, gisulod sa 30 nga migranteng Pilipino niadtong Marso 2 ang embahada sa Pilipinas ug gimbitahan si Ambassador Antonio Rodriguez nga mosalmot sa mga protestang anti-Arroyo.

Nagpadayag usab og kabalaka ug panaghiusa sa pakigbisog alang sa kagawasan ug demokrasya sa Pilipinas ang Philippine European Solidarity. Samtang, gilunsad niadtong Pebrero 28 sa Filipino Resource Center sa Oslo, Norway ang usa ka kampanya alang sa pagpadala og *email* aron makmakon ang PP 1017. AB

dente Joseph Estrada nga giakusaran nga nagpundo sa paglihok sa mga rebeldeng sundalo. Giangkon ni Estrada nga ang gipamunoan niya nga Saludo sa Kawal Pilipino Foundation adunay gihatag nga P8 ka milyon sa mga yunit militar ug kapulisan nga giinitan karon sa rehimen. Apan gitin-aw niya nga gihatag kadto isip pinaskohan ug mipaingon sa ilang mga kooperatiba ug dili deretso sa mga yunit-militar.

Ubay niini, padayon ang pagpaniid sa lihok sa mga aktibista. Na-obsorbahan nga anaa'y dili yunipormadong pulis nga sige'g bahis-

bahis sa gawas sa opisina sa Kilusang Mayo Uno sa Quezon City. Niadtong Pebrero 25, anaay usa ka grupo sa mga SWAT nga misulod sa eskwelahan sa UP sa Diliman, Quezon City ug nagpangita og mga lider estudyante didto. Bisan ang mga empleyado nga nagtrabaho sa opisina sa kongreso sa mga progresibong partido gisundan-sundan sa mga gituohang ahente sa PNP.

Pagpanumpo sa masmidya

Target usab sa mapanumpuon nga paghari ni Arroyo ang masmidya. Nag-una na niini ang *The Daily Tribune*, usa ka mantalaan nga

kritikal o tigsaway kang Arroyo ug aktibong nagbutyag og mga anomalya ug korapsyon. Niining Marso 3, gisang-atan og kasong sedisyon ang *editor* niini nga si Ninez Cacho-Olivares ug mga kolumnista niining sila Ike Señeres ug Herman Tiu-Laurel.

Usâ pa niini, gireyd sa PNP Criminal Investigation and Detection Group (CIDG) ang opisina ug imprentahan sa *Tribune* ug kapin usa ka semanang gipuy-an niini ang ilang opisina. Niadtong Pebrero 28 usab, giduaw kunohay sa pila ka elemento sa PNP ang opisina sa

mantalaang *Abante* ug nagsukit-sukit mahitungod sa mga opisyal niini.

Niining Marso 3 usab, nagpagula ang National Telecommunications Commission (NTC) og usa ka memorandum kundiin gitakda niini ang mga "gibadlis nga sukdanan" nga kinahanglang tumanon sa mga kompanya sa brodkas nga "dili ipagamit ang ilang mga pasilidad sa mga nanawagan sa paglumpag sa gobyerno pinaagi sa kabangis, ug dili itugot ang pagbrodkas og unsa mang anaay tendensiyang mosugyot o mo-awhag sa pagtraydor, re-

belyon o sedisyon o magdulot og sigurado ug hinanaling peligro sa estado."

Usâ pa niini, nagbahad ang NTC nga mahimong ipailalom sa kontrol niini ang unsamang kompanyang pangbrodkas nga dili motuman sa mga "gibadlis nga sukdanan" nga gitakda sa gobyerno. Subli niining gipagula ang mga daan nga memorandum nga direktang nagdili sa mga brodkaster nga mohatag og oras sa kahanginan sa mga ginganlan nga "kaaway sa estado."

Duyog niini, gi-angkon sa DOJ nga gipanid-an niini ang pito nga

Tubag sa Proclamation 1017

Sunud-sunod nga aksyong militar sa BHB

Seres nga mga aksyong militar ang gitubag sa mga yunit sa Bagong Hukbong Bayan (BHB) sa Proclamation 1017 ni Gloria Arroyo nga nagbutang sa tibuok nasud sa *state of national emergency*. Kini tampo sa BHB sa pagpapaspas sa paglumpag sa rehimeng Arroyo.

Marso 3, Mindoro. Gibanhigan sa usa ka platon sa Lucio de Guzman Command sa BHB ang mga tropa sa Regional Mobile Group (RMG) sa Philippine National Police sa Sityo Minolo, Barangay San Isidro, Puerto Galera sa Oriental Mindoro. Gipabusikaran og bomba sa mga Pulang manggugubat ang *dump truck* nga gisakyan sa mga pulis mga alas-6 sa buntag. Duha ka elemento sa RMG ang namatay gilayon samtang hisamdan ang tulo pa.

Gilutos niadtong tungora sa maong yunit sa PNP ang usa ka yunit sa BHB.

Samtang, sa isla sa Mindanao, nakalunsad ang mga yunit sa BHB og 18 nga mga armadong pagataki batok sa mga tropa ug gaway sa pasistang rehimen sukad gideklara ang PP 1017 hangtud niadtong Pebrero 28. Lakip niini ng mga mosunod:

Pebrero 27, Barangay Zapanta, Kitcharao, Agusan del Norte. Usa ka sundalo ang namatay sa operesyong harasment sa BHB-Front 16 batok sa duha ka platon sa 30th IB nga nanghosteds sa tibuok barangay isip panagang batok sa BHB.

Pebrero 26, Barangay Bugsokan, Butuan City. Giharas sa mga membro sa BHB-Front 21 ang nagoperesyong tropa sa 29th IB. Usa ang namatay sa han-ay sa mga sundalo.

Pebrero 25, Barangay Cabongbongan, Surigao City. Dili ma-ihap ang kaswalti sa kaaway dihang giharas sa mga membro sa BHB-Front 19 alas-2:12 sa kaadlawon ang detatsment sa 23rd IB ug CAFGU.

Barangay Zapanta, Kitcharao, Agusan del Norte. Dili usab ma-ihap ang kadaot sa kaaway sa duha ka ambus nga gilunsad sa mga Pulang gerilya sa Front 14 mga alas-10:30 sa buntag ug 11:30 sa udto batok sa duha ka nagpatrolyang kolum sa 30th IB sa Philippine Army.

Barangay Kasapa, Loreto, Agusan del Sur. Gidis-armahan sa BHB-Front 34 ang usa ka elemento sa Civilian Volunteer Organization ug na-imbargo kaniya ang usa ka .38 nga rebolber, usa ka radyong VHF ug tulo ka *bulletproof vest*.

Pebrero 24, Barangay Masara, Maco, Compostela Valley. Gidis-armahan sa mga Pulang manggugubat sa BHB-Front 27 ang mga gwardya sa Crew Gold Mining Corporation ug nakompiska ang duha ka pistolang .45, siyam ka .38 nga rebolber ug unom ka *shotgun*. Nakaklining usab og siyam ka VHF *handset radio* ug usa ka VHF *base radio*. Usa ka gwardya nga misukol ang hisamdan.

Alas-8 ng gabi sa Sityo Apa-apa, Bangonay, Jabonga, Agusan del Norte. Giharas sa mga manggugubat sa BHB-Front 16 ang nagoperesyong mga tropa sa 30th IB sa Philippine Army. Bunga niini, nahitabo ang *misencounter* diha sa tropang militar kundiin duha ang namatay ug usa ang samaron sa han-ay sa mga sundalo. AB

Mga sundalo, gi-ambus sa BHB sa Negros

LIMA nga sundalo ang namatay ug duha ang hisamdan sa duha ka managkabulag nga ambus sa Bagong Hukbong Bayan (BHB) sa mga elemento sa Philippine Army sa Candoni, Negros Occidental niadtong Enero 29.

Gibanhigan sa usa ka yunit sa BHB-Roger Mahinay Command ang usa ka kolum sa 61st IB nga paingon sa pag-ataki sa usa ka kampo sa BHB mga alas-3 sa hapon sa maong adlaw. Miplastar ang mga manggugubat sa mga lugar nga natino nila nga agian sa mga sundalo busa malampuson nila nga naambus ang maong yunit. Tulo sa mga sundalo ang namatay ug usa ang hisamdan sa usa ka oras nga panagsangka.

Mga alas-5 sa hapon, gibanhigan usab sa BHB ang reimporsment nga mga yunit militar. Duha ka sundalo ang na-igo ug diha-dihang namatay. Sumala ni Ka Nilo Magtanggol, tigpamaba sa Roger Mahinay Command, walay namatay o hisamdan sa bahin sa BHB sa duha ka panagsangka. AB

kompanya sa brodkas.

Giinitan usab ni Arroyo ang ABS-CBN nga padayon nga nagkober sa lain-laing paglihok sa mga pwersang anti-Arroyo. Nanghulga ang DOJ nga sang-atan niini og kasong "inciting to sedition" ang ABS-CBN kalambigit sa ilang nahimong pagbalita sa mga panghitabo sa Fort Bonifacio niadtong Pebrero 26.

Proclamation 1017, dugang nagpadilaab sa pakigbatok sa katawhan

Wala matay-og ang katawhang Pilipino luyo sa mga pagpanghadlok ug pagpatuman sa labaw'ng masumpuon nga mga lakang sa rehimg Arroyo sukad gideklara ug gibakwi ang PP 1017.

Niadto mismong Pebrero 24, pu-loan ka libo ang nagralli sa Ayala aron hinumdomon ang ika-20 nga anibersaryo sa EDSA 1 ug isinggit ang pagpalagpot kang Arroyo. Pagpakita kini sa kolektibong pagsupak sa katawhan sa PP 1017 nga gigamit sa kapulisan aron babagan ug bangis nga bungkgagon ang mga naunang panagtapon sa EDSA

Shrine. Halos 100 nga mga raliyista ang gidakop didto sa mga pulis.

Sunod niini, halos adlaw-adlaw ang wala'g tuo nga paglihok batok sa PP 1017 ug nanalipod sa katungod nga magpadayag ug magtipon.

Hapit 20 nga mga nagkalain-laing organisasyon sa mga abogado, mga partido ug pila ka indibidwal ang miadto sa Korte Suprema aron mosang-at og kasong nagkwestyon sa SONE, PP 1017 ug mga gihimong lakang ni Arroyo sunod niini. Lakip sa mga naghikyad og reklamo ang Integrated Bar of the Philippines, Alternative Law Group, Public Interest Law Center, mga propesor sa UP Law Center, Kilusang Mayo Uno ug ang House Minority Floor Leader nga si Kongresman Francis Escudero ug Kongresman Lorenzo Tañada III sa probinsya sa Quezon. Bistahon kining mga reklamo sa Marso 7.

Gawasan usab ang nagtipon sa gawas sa Fort Bonifacio niadtong Pebrero 26, sulod sa kampus sa University of the Philippines (UP) sa Diliman, Quezon City ug sa Ayala Avenue, Makati, isip suporta sa lihok-protesta sa mga sundalo sa

Philippine Marines sulod sa Fort Bonifacio. *(tan-awa ang kalambigit nga artikulo)*

Sa mga mosunod nga adlaw, misibaw ang mga paglihok sa mga estudyante ug titser sulod sa UP. Gideklara sa mga estudyante ug magtutudlo dinhi nga ang ilang kampus gawasnon sa PP 1017. Gatasan ang misalmot sa halos adlaw-adlaw nga mga protesta sulod sa eskwelahan. Lakip niini ang kaylap nga *walkout* (largada nga wala nay pagtambong sa klase) sa mga estudyante ug magtutudlo niadtong Pebrero 27 ug dayon nag-*vigil* (nagtukaw). Gipamahayag ni Dr. Emerlinda Roman, presidente sa UP, nga padayon nga gipasiugda sa tibuok sistema sa UP ang katungod sa pagpamahayag ug pagtipon.

Ingon usab, nagpagula og opisyal nga baruganan batok sa mga pasistang lakang ni Arroyo ang District Council of the De La Salle Brothers, ang University Council-University of the Philippines in Diliman ug ang Ateneo de Manila University.

Kusganon usab nga gipanghimaraot sa Senado ang SONE isip paglapas sa konstitusyon ug Bill of Rights. Sa pagpanguna ni Sen. Franklin Drillon, gi-aprubahan sa Senado ang resolusyon nga nagkon-dena sa PP 1017 ug nagtakda sa mga pagbista aron batokan kini. Gawas nila Sen. Lito Lapid ug Miriam Santiago, nagpadayag og protesta ang mga senador pinaagi sa pagsul-ob og itom nga "arm-band." Naghikyad usab og reklamo si Sen. Jamby Madrigal ngadto sa Office of the UN High Commissioner on Human Rights sa Geneva, Switzerland kalambigit sa pagyatak ni Arroyo sa mga tawhanong katungod.

Duyog niini, gi-andam na sa mga senador ang pagsang-at og kasong pagpanglungkab batok kang Arroyo ug iyang mga kakunsabo nga nangulong opisyal sa Department of



Agriculture (DA) sa binilyon nga kantidad sa mga pundo alang sa abono nga gikawat nila ug gigamit sa mi-aging eleksyon.

Daghan usab sa mga kaalyado ni Arroyo sa Kongreso ang mibarog batok sa PP 1017. Nakighiusa ang tibuok Kongreso sa resolusyong naghatag og kustodiya sa lima ka kongresistang buot arestuhon sa PNP ug nanghimaraot sa mapanumpong mga lakang kalambigit sa PP 1017.

Hiniusa usab nga nagpadayag og pagsupak niadtong Pebrero 28 ang dagkong organisasyong relihiyoso lakip ang National Council of Churches of the Philippines (NCCP), United Churches of Christ of the Philippines (UCCP), Iglesia Filipina Independiente, Catholic Rural Missionaries of the Philippines, Ecumenical Bishops Forum, United Methodist Church ug Promotion of Church People's Response (PCPR).

"Dili mi pahuraw!" ang gihi-mong tubag sa mga opisyal ug empleyado sa *The Daily Tri-*

bune, ABS-CBN ug Abante sa mga pagsulay nga pagpanghadlok kanila. Subli nga nahimong aktibo ang National Press Club (NPC) sa pagmaktak sa mga pag-pamig-



ot sa masmidya. Sa mismong tugkaran sa NPC gipahigayon ang lihok protesta niadtong Pebrero 27 nga gitambongan sa National Union of Journalists of the Philippines (NUJP), Alyansa ng mga Filipinong Mamamahayag, Malacañang Press Corps, Progressive Tri-media of Pasay City, National Bureau of Investigation Press Club, Manila Police District Press Corps, Camanava Press Corps ug Philippine Drug Enforcement Agency Press Corps.

Naglunsad usab og rali ang 500 nga mga abogado sa nagkalain-laing sektor niadtong Marso 3. Sa pagpanguna sa Integrated Bar of the Philippines, nagmartsa sila paingon sa EDSA Shrine sa Ortigas Avenue kundiin gibabagan sila sa kapulisan ug linugsanay nga gipugngan nga magrali, bisan pa human bakwi-a ni Gloria Arroyo ang PP 1017. Nagpadayag usab og pagsupak ang Makati Business Club batok sa PP 1017 sa kabalakang samot niining daoton ang ekonomiya.

Konsolidasyon sa diktaduryang Arroyo

Luyo sa gihulagway niini nga gibakwi na ang deklarasyon sa PP 1017 niining Marso 3, padayon nga nagtunhay ang mga pasistang palisiya ug ang paghari nga sama sa balaud militar ni Gloria Arroyo. Nagpabilin ang bangis nga epekto sa PP 1017 ug GO 5 batok sa mga kaaway sa rehimen. Nagpabilin ang hulga sa pagpangaresto sa lima nga represen-

tante sa mga progresibong partido ug ang pagpamig-ot sa midya.

Mismong si Arroyo ang nagbu-ngat nga andam ang iyang rehimen nga otro-otro nga magpagula og mga proklamasyon nga susama sa PP 1017 sa matag pagtunhay kuno sa basehan alang niini. Wala usay gihimong pagbakwi si Arroyo sa GO 5 nga maoy himan sa AFP ug PNP sa pagpanumpo sa katawhang Pilipino.

Isip kabahin sa pagpalig-on ni Arroyo sa gahum, subli niining gipaspasan ang pagkasa o paglangat sa *Chacha* (pag-usab sa konstitusyon) sa tunga-tungang bahin sa tugig. Gawas sa tumong nga himuong antinasyonal ug anti-demokratiko ang konstitusyon subay sa diktat sa US, tumong usab ni Arroyo ang pag-angkon sa mga gahum nga ala-Marcos isip pareho nga presidente ug *prime minister*. Kini ang unod sa mga giduso sa rehimen nga "transitory provision" nga nagtukmod kang Vicente Paterno nga moluwat sa Constitutional Commission nga motibuok og sugyot nga mga pag-bag-o.

Kabahin usab sa pagplastar ni Arroyo og mas malangkobon nga kontrol ug gahum sa politika ang pagkonsolida niya karon sa iyang pagkupot-sa-liog sa mga lokal nga gobyerno pinaagi sa pagbutang kang Ronaldo Puno isip kalihim sa Department of Interior and Local Government (DILG).

Sila Arroyo usab ang naa sa likod sa paglunsad og kudeta sulod sa Liberal Party aron palagpoton si Sen. Franklin Drilon isip presidente ug ipuli sila Manila Mayor Lito Atienza ug Chief of Staff Mike Defensor sa liderato. Aron magamit ang pundo sa gobyerno alang sa mga plete ug uban pang gasto sa mga gihakot alang sa minî nga kombensyon, gihulagway sa Malakanyang nga usa kini ka seminar sa DILG alang sa mga lokal nga mga lider. Wala kini ilha ni Drilon.

AB

Padayon ang panagbingkil sulod sa AFP

Padayon nga nagkasamot ang panagbingkil sulod sa AFP. Ang pinakaulahing protesta sa mga sundalo gibunga sa pagsulay ni Gloria Arroyo nga tangtangan sa han-ay niini ang mga opisyal ug sundalong nakigbatok sa iyang padayon nga paghari. Dili kini kayang tabonan bisan pa walay hunong ang Malakanyang sa pagputak-putak nga tibuok ang suporta sa AFP sa gobyernong Arroyo.

Mismong si AFP Chief of Staff Lt. Gen. Generoso Senga ang nagbungat nga giistoryahan siya niadtong Pebrero 23 nila Brig. Gen. Danny Lim, hepe sa 1st Scout Ranger Regiment, ug ni Col. Ariel Querubin, hepe sa 1st Marine Brigade aron imbitahan siya nga mosalmot sa plano sa daghang membro sa AFP ug PNP nga motambong sa mga pangmasang protesta nga natakda pagka-ugma. Ana'y pagsalig sila Lim nga makuha nila ang suporta ni Senga. Apan wala magdugay, gipaaresto niya si Lim sa balay niini. Si Querubin usab giban-tayan sulod sa iyang balay sa Fort Bonifacio. Samtang, ang komandant sa Philippine Marines nga si Maj. Gen. Renato Miranda gitangtang sa posisyon matapos ang duha pa ka ad-law.

Niadto gihapong Pebrero 23, nahugun-hugonan sa pamunoan sa PNP ang laraw sa namuno og mga pwersa sa PNP-Special Action Forces nga nakabase sa Camp. Sto. Domingo, Sta. Rosa Laguna nga mosalmot sa mao gihapong rali aron ipadayag ang pagtalikod nila sa rehimen. Gitangtang gilayon sa posisyon ang hepe sa SAF nga si Chief Supt. Marcelino Franco ug tulo pa niyang kaubanan sa komand nga sila Sr. Supt. Benjamin Magalong, Chief Insp. Erickson Dilag ug Insp. Ryan Paloma. Nagsunod niini ang daghan pang opisyal sa mas ubos nga angang sa mga komand sa AFP ug PNP sa mga probinsya ang gipulihan sa katahap nga dili sila matinud-anon sa rehimen ng Arroyo.

Ang pagtangtang kang Miranda

niadtong Pebrero gisugat og lihok-protesta sa mga pwersa sa 1st ug 2nd Marine Brigade sulod mismo sa hedkwarters sa Philippine Marines sa Fort Bonifacio, Taguig, Metro Manila. Si Gen. Nelson Allaga, ang gipuli sa rehimen kang Miranda, usa sa mga opisyal sa AFP nga nalambigit sa pagpanglimbong ni Arroyo sa eleksyon niadtong 2004 sa Lanao.

Gipangunahan ni Col. Ariel Querubin ang pagmartsa sa Marines sulod sa kampo aron ipadayag ang ilang pagsupak sa "dili makatarunganong" pagtangtang kang Miranda. Miplastar sila atubangan sa opisina sa komandant dala ang usa ka tangke de gerang Simba ug tulo ka *armored personnel carrier* (APC). Sa iyang pamahayag sa midya, nanawagan si Querubin og pagsuporta sa katawhan, nga gitubag sa madali sa gatusan nga mga tawo nga nagtipon gawas sa kampo. Lakip niini sila kanhi presidente Corazon Aquino, kanhi bise-presidente Teofisto Guingona, mga senador ug kongresman ug uban pang ilhadong personalidad. Pila ka gatus usab ang paspas nga nagtipon sa Ayala Avenue ug sulod sa UP Dili-man.

Temporaryo nga naresolba ang protesta sa Fort Bonifacio dihang naghigot-higot ang mga opisyal sa Marines ug naghiusa sila nga motuman sa *chain of command*. Apan pamatuod sa padayon nga pagtayo-og sa han-ay sa Marines ang pasumbingay ni General Allaga sa iyang pamahayag matapos ang protesta nga ang giila niya nga utlanan nga tumanon nga *chain of command* mao ang hepe

sa Philippine Navy nga si Vice Adm. Mateo Mayuga.

Sa paglaom ni Arroyo nga madani pa gihapon ang diskontento nga mga opisyal ug pwersa sa AFP ug PNP, mihangyo siya og pakigdayalog (istoriya) kanila. Gisugat kini og hagit sa mga opisyal ug sundalo nga anti-Arroyo nga ilakip sa dayalog ang wala pa maresolba nga kontrobersya nga "Hello Garci!" ug ang pagkalambigit sa pila ka heneral ug paggamit sa tibuok institusyon sa AFP ug PNP sa pagpanglimbong sa mi-aging eleksyon. Gihingusog usab sa grupo nga dili lamang ang pagkatayo-og sa han-ay sa militar ug kapulisan ang hisgutanan kundili lakip ang alingasa nga naglukop sa tibuok katilingban nga gibasol nila kang Arroyo.

Sa aktwal, walay nahitabo nga kudeta ug bugtong pagprotesta ang gikalambigitan sa mga gipangarestong opisyal sa AFP ug PNP. Luyo niini, wala pa gihapoy puas ang pagpangombinsi sa rehimen sa ilang mga tawo nga aduna kuno'y alyansa ang PKP-BHB ug mga rebeldeng militar nga nagplano og kudeta. Naghakot pa gihapon ang Philippine Army og 1,200 nga mga loyalistang sundalo gikan sa Central Luzon ug Mindanao paingon sa Metro Manila aron magsilbing pwersang kontra kudeta ug tigdepensa sa Malakanyang.

Duyog niini, gibutyag ni Sen. Rodolfo Biazon nga adunay lima ka sundalong gisugo sa pila ka opisyal sa AFP nga magpalusot sa Metro Manila og upat ka pakete nga eksplosibong C4 sa wala pa bakwia ni Arroyo ang *state of emergency*. Wala tumana sa lima ka sundalo ang maong mando sa kabalakang mao kadto ang gamiton sa mga teroristang pagpamomba sa rehimen sa Metro Manila. Mitago sila karon tungod kay anaay *shoot to kill order* batok kanila tungod sa ilang pagdumili. Matud ni Biazon, aduna pay 36 nga mga grupo nga gimandoan usab nga magdala og mga bomba sa kaulohan (NCR) sa nasud. **AB**

Lt. Crispin Tagamolila

Gikan sa reaksyonaryong hukbo ngadto sa hukbong bayan

Si Lt. Crispin Tagamolila usa ka opisyal sa Philippine Army dihang mi-hukom siya nga mopasakop sa Bagong Hukbong Bayan (BHB) niadtong Marso 29, 1971.

Nagsilbi siya niadtong isip Finance Officer sa 1st Infantry "Tabak" Division. Kining yunita diin niadtong nakabase sa Fort Magsaysay, Nueva Ecija ang bugtong nga ipanghasmag nga dibisyon niadtong sa Philippine Army.

Nagtubo sa probinsya sa Iloilo si Tagamolila. Nahuman siya sa kolehiyo sa Ateneo de Manila unâ mihukom nga mosulod sa AFP. Niining mga panahona, kanunay niyang kadebate ang iyang igsoon nga si Antonio nga niadtong tungora usa ka aktibista ug *editor* sa *Philippine Collegian*, ang opisyal nga mantalaan sa mga estudyante sa University of the Philippines sa Diliman, Quezon City.

Isip usa ka batan-ong opisyal sa AFP, gidepensahan ni Lieutenant Tagamolila ang gobyerno ug naglaom sa "malinawong pamaagi sa pagbag-o."

Apan inanay siyang nahi-amgo sa kadunot sa nagharing katilingbanong sistema dihang nasaksihan niya ang pagpanglimbong ni Marcos sa eleksyon sa 1969. Labaw pa siyang nalamdagan dihang gigamitan og kabangis sa rehimeng Marcos ang mga demonstrasyon niadtong Enero 1970 nga misangpot sa Unos sa Unang Kwartar (First Quarter Storm).

Nahimong higala ni Lieutenant Tagamolila si Lt. Victor Corpus nga niadtong anaa sa Philippine Constabulary (Philippine National Police karon). Pareho silang nagtungha sa Philippine Military Academy. Dihang makausa ka higayon diin gipanalipdan nila sa debate ang panginahanglan sa pagbag-o sa katilingbanong sistema, nabutang silang duha sa talaan sa mga gikatahapang "radikal" sulod sa AFP. Labaw pang miinit ang mata sa AFP kang Lieutenant Tagamolila dihang mi-anib si Lieutenant

Corpus sa BHB, tanag ang mga arm a s gikan


sa *armory* sa PMA niadtong Disembre 29, 1970.

Isip opisyal sa pinansya sa reaksyonaryong hukbo, nabutyag kang Lieutenant Tagamolila ang mga kadunot sulod sa 1st ID ug sa tibuok AFP. Suko kaayo siya nga sukad pa niadtong, kaylap na ang korapsyon nga nagbiktima sa mga yanong sundalo, sama sa pagtibhang ug kanunay nga paglangan sa sweldo aron magamit sa mga opisyal sa negosyo ug uban pang kahiwian. Nakita usab niya ang anomalyadong pagbaligya og mga kahimanang militar lakip na ang mga pyesa sa mga sakyanan. Nagpangagot siya sa kasuko sa mga kaso sa pagpamig-ot sa mga asawa sa mga yanong sundalo aron mahimong kabit o puyo-puyo sa mga opisyal.

Nahugnò ang mga ilusyon ni Lieutenant Tagamolila. Wala na niya maagwanta ang daghan kaayong mga kaso sa korapsyon sa tag-as nga opisyal ug ang pagpanaugdaog sa mga batan-ong opisyal ug yanong sundalo.

Dihang nakakoneksyon o nakalambigit siya sa mga Pulang manggugubat, dali nga nakahukom si Lt. Crispin Tagamolila nga biyaan ang Armed Forces of the Philippines ug mi-anib sa BHB. Hilom lang ang pagpamembro niya sa hukbong bayan tungod kay mas misibaw niadtong ang balita mahitungod sa pag-ilog (*hijack*) sa pila ka aktibista sa eroplano sa Philippine Airlines nga gipalupad nila gikan sa Manila paingon sa China niadtong Marso 30, 1971.

Sukad niadtong, nailhan si Lieutenant Tagamolila sa pangalang Ka Cely. Unang gideploy si Ka Cely sa Isabela kundiin mipapel siya isip instruktur militar sa Regional Operational Command para sa Cagayan Valley. Gihuptan niya ang Mobile Military-Political School (MMPS) niadtong 1971-72. Kauban ang masa, labaw'ng milalom ang komitment o



Sugyot nga saulogon ang mga makasaysayanong kadaugan sa pakigbisog batok sa modernong rebisyonismo sukad 1956

20 Pebrero 2006

Gisugyot namo nga mga nakapirma sa ubos, ngadto sa tanang mga partido ug organisasyong Marxista-Leninista-Maoista nga saulogon ang ika-50 nga anibersaryo sa pakigbisog batok sa modernong rebisyonismo ug maglunsad og mga aktibidad sa tumong nga subling palig-onon ang atong baruganan nga i-asdang kining maong pakigbisog, nga nagsugod niadtong 1956 sa pagkigbatok sa rebisyonistang unod sa ika-20 nga Kongreso sa Communist Party of the Soviet Union (CPSU) niadtong Pebrero 1956.

Nakab-ot sa pakigbisog sa modernong rebisyonismo ang bag-o ug mas taas nga ang-ang dihang nagsugod ang Bantugang Proletaryong Rebolusyong Pangkultura niadtong

Mayo 1966. Hinuon, sukad mamatay si Kaubang Mao niadtong Septembre 1976, gikaatubang nato ang pagtraydor sa sosyalismo ug pagpanumbalik sa kapitalismo sa China. Giha-

git kita nga ipasiugda ang Marxismo-Leninismo-Maoismo, batokan ang modernong rebisyonismo ug ang mga dautang bunga niini ug kaboton ang mas dagko pang kadaugan sa pagtuman sa makasaysayanong misyon sa proletaryado nga kaboton ang sosyalismo. Sa ika-20 nga Kongreso sa CPSU, gisalikway sa rebisyonistang pundok nga Soviet nga gipangulohan ni Krushchov ang mga batakang prinsipyo sa Marxismo-Leninismo ug ang mga rebolusyonaryong kadaugan ni Kaubang

"Tagamolila," gikan sa panid 9

pangako ni Ka Cely sa pagrebolusyon. Kabahin sa pagumol sa kaugalingon ni Ka Cely ang iyang sinsero nga pagsalmot sa gimbuhatong masa ug gimbuhatong produksyon. Matngon si Ka Cely nga gikan siya sa reaksyonaryong militar ug kinahanglan niyang makagamot sa han-ay sa masa. Ang unang madasigon nga gihimo niya mao ang pagtuon sa pinulongang Iloko tungod kay wala siya'y kabangkaagan niini. Tagalog ug Hiligaynon lang ang nahibaloan niya nga mga pinulongan. Tungod kugihan ug madasigon, paspas siyang nakat-on niini. Sa ngadto-ngadto, dili na himatikdan nga dili siya Ilokano.

Usa usab sa hinungdan kung nganong paspas siya nga nakat-on mao ang iyang tinguha nga makatabang sa pagsulbad sa mga suliran sa masa. Natural lamang gyud nga makigtabi ang masa ngadto sa mga Pulang manggugubat aron ipadangat ang ilang mga problema sa mga bikil sa yuta, sa mga grupo ug mga pamilya ug uban pang nagkalain-laing problema gikan sa pagminyong ngadto sa mga bingkil pangpamilya.

Hikat-onan nga mahalon sa masa si Ka Cely tungod sa kinaiya niya nga masayaon ug mapahiubsanon. Ligon siya ug maalagaron. Kanunay usab niya nga kuhaon ang pinakabug-at nga kargahonon, kanunay'ng gihunahuna ang kaayohan sa masa ug mga kauban.

Dihang hisamdan si Ka Cely sa usa ka panagsangka niadtong 1971, gipakita sa masa ang ilang pagmahal kaniya dihang nagpanon sila ug nagdala og mga prutas, manok, baboy ug uban pang mga butang sa iyang gipahulayan. Nabungat niya nga "lami gyud kaayo magma-

hal ang masa." Isip instruktur ug kadreng militar, gipangunahan usab ni Ka Cely ang pila ka madaugong mga taktikal nga opensiba sa Company B sa BHB sa Jones ug Echague, Isabela. Namatay si Ka Cely sa usa ka panagsangka sa Barangay Kalatbagen, Dipanung, Echague niadtong Abril 16, 1972.

Sayo man nga namatay si Ka Cely, padayon siyang nagsilbing inspirasyon, ilabina sa mga batan-ong opisyal, sundalo ug personel sa AFP ug PNP nga nangिता og kabag-ohan sa katilingban.

Ang iyang panig-ingnan ang gipasiugda sa mga misalmot sa Lt. Crispin Tagamolila Movement (LCTM), usa ka rebolusyonaryong kalihukan nga naglambigit, nag-awhag ug nag-organisa sa han-ay sa mga sundalo ug kapulisan sa reaksyonaryong armadong pwersa. Sa diwa usab sa LCTM, daghang mga opisyal, sundalo ug pulis ang nakoneksyonan sa rebolusyonaryong kalihukan isip mga higala ug alyado sulod sa AFP ug PNP nga mitabang sa daghang paagi sa pagpakusog sa BHB ug pagpaasdang sa rebolusyon.

Taliwala sa nagpadayon nga mga kondisyong nagtukmod niadto kang Lieutenant Tagamolila nga subayon ang rebolusyonaryong dalan, padayon usab ang pagkamgo sa daghang mga sama niyang batan-ong opisyal sa AFP. Sigurado nga modaghan pa ang maghukom nga moanib o makiglambigit ug makigtinabangay sa tinuod nga hukbo sa katawhan. Andam ang BHB nga dawaton sa han-ay niini, isip mga sundalo ug komander, ang daghan pang sama ni Lt. Crispin Tagamolila nga naghukom nga ipunting ang ilang mga pusil sa nagharing hut-ong ug dili batok sa nilupigang katawhan. **AB**

Stalin sa ngalan kuno sa pagbatok sa "kulto sa personalidad." Gisugdan ni- ini ang panghitabo sa modernong re- bisyonismo batok sa proletaryong diktadurya ug gibutang ang Soviet Union sa dalan sa kapitalistang pag- panumbalik.

Nagpakaylap kini og populis- mong burgis pinaagi sa konseptong "partido sa tibuok katawhan" ug "es- tado sa tibuok katawhan" ug pasipis- mong burgis sa mga panghunahu- nang "malinawon nga transisyon," "malinawong kompetisyon" ug "ma- linawong pagtunhay sa isi'g usa." Gi- himo niining himan ang modernong rebisyonismo aron bakkakon ug li- long nga kankanon o gub-on ang pangkalibutang kalihukang komu- nista. Gitukmod niini ang "malina- won nga pagtunhay sa isi'g usa" isip pangkinatibuk-ang linya aron ba- tokan ang proletaryong internasyo- nalismo ug atakihon ang pangkalibu- tang kalihukang komunista ug mga kalihukan alang sa nasudnong kalingkawasan.

Sa pagpangulo ni Kaubang Mao Zedong, untop sa panahon nga gi- pagula sa Partido Komunista sa Chi- na niadtong Abril 1956 ang editoryal sa *People's Daily* nga nag-ulohang "Mahitungod sa Makasaysayanon nga Kasinatian sa Diktadurya sa Prole- taryado." Gipanalipdan niini ang teorya ug praktika sa Marxismo- Leninismo batok sa linya sa moder- nong rebisyonismo. Gimakmak ni- ini ang mga rebisyonista sa pag- pakaylap og kalibog sa pangkalibutang kalihukang komunista ug pagpanghul- hog og kagubot ug pag- alsa batok sa sosyalis- tang mithi sa Poland, Hungary ug uban pang lu- gar sa Eastern Eu- rope.

Giduso sa dele- gasyon sa Partido Komunista sa Chi- na ang linya nga

anti-rebisyonismo diha sa mga tigom sa Moscow sa mga partido komunista ug partidong mamumuo niadtong 1957 ug 1960. Human niini, gisaway ug gisalikway niini ang nagkakusog nga pagtunhay sa monopolyong bu- rukrata-kapitalismo ug sosyal- imperyalismo ubos sa lungtad nga rehimen ni Brezhnev. Nagtakoban nga sosyalismo ang monopolyong burukrata-kapitalismo samtang nag- kunsabohay usab ang mga burukrata ug negosyante sa pagpangawat sa pang-estadong sektor sa ekonomiya. Sa relasyong internasyonal, ang mga rebisyonistang Soviet nahimong sosyalista sa pulong ug imperyalista sa buhat.

Wala nagpakakontento si Ka- ubang Mao sa pagsaway sa moder- nong rebisyonismo sa pagtumaw ug pagdako niini sa Soviet Union ug uban pang nasud sa blokeng Soviet. Gitun-an ug giduki-duki niya ang pagdako sa modernong rebisyonismo sa China, nga mitumaw gikan diha sa mga lokal nga paktor ug mga im- pluwensyang panggawas. Busa, gilunsad niya ang Bantugang Prole- taryong Rebolusyong Pangkultura aron i- asdang ang teorya sa mapa- dayonon nga rebolusyon ubos sa pro-

letaryong diktadurya. Tumong nii- ning batokan ang rebisyonismo, ba- bagan ang pagpanumbalik sa kapita- lismo ug konsolidahon ang sosyalis- mo.

Samtang buhi si Kaubang Mao, napangulohan niya ang proletaryado ug katawhang Tsino sa sunud-sunod nga kadaugan sa Bantugang Prole- taryong Rebolusyong Pangkultura lu- yo sa dagkong babag ug gamhanang mga kaaway. Apan wala magdugay pagkamatay niya, giilog sa mga ka- away sa proletaryado ug katawhang Tsino ang gahum sa pangatungdanan ug gihibat ang iyang proletaryong linyang rebolusyonaryo sa pagpaas- dang sa sosyalistang rebolusyon ug konstruksyon. Sukad niadto, tumang gisubay na sa China ang dalan pag- panumbalik sa kapitalismo.

Ang hingpit nga pagpanumbalik sa kapitalismo sa China nagpa- matuod sa pagka-insakto sa gitudlo ni Kaubang Mao nga ang sosyalismo mapakyas oras nga mopatigbabaw ang rebisyonistang linya sa nangu- long partido komunista o partidong mamumuo ug sa ngadto-ngadto magmalampuson ang mga burgesya sulod sa partido ug estado sa pag- ilog sa poder ug paglumpag sa prole- taryado. Nagbilin si Kaubang Mao ug



Unang halad sa Sine Proletaryo

Niining Marso 1, gipagula sa Sine Proletaryo ang bidyong "People Power" nga naghulagway sa nagpadayon nga pakigbisog sa katawhang Pilipino aron lumpagon ang rehimen ni Gloria Macapagal-Arroyo. Ang Sine Proletaryo ang bag-ong sanga sa *video production* sa Kawanihan sa Impormasyon ng Partido Komunista sa Pilipinas. Ang "People Power" ang unang gula sa Signos, nga mahimong regular nga programa sa Sine Proletaryo.

Ang duolan nga 20 minutos nga produksyon gipakaylap sa pormang VCD. AB

usa nga kabilin nga magamit nato sa pakigbatok ug pagpakyas sa modernong rebisyonismo ug sa labaw nga pagpalambo sa mga pwersa sa sosyalismo.

Sa tibuok tuig 2006, kinahanglan kita nga maglunsad og pangkinatibuk-ang mga kampanya ug partikular nga mga aktibidad alang sa edukasyong teoretikal ug politikal. Kinahanglan natong atubangon ang hisgutanan sa modernong rebisyonismo isip pinakamakamandag nga kaaway sa rebolusyonaryong mithi sa sosyalismo. Kinahanglan natong subling palig-onon ang mga sinulat ug praktikal nga pagpaningkamot ni Kaubang Mao ug tanang rebolusyonaryong proletaryado sa pagpasigugda sa Marxismo-Leninismo ug batokan ang modernong rebisyonismo. Kinahanglan natong panalipdan ang mga kadaugan nila Kaubang Stalin ug Kaubang Mao sa sosyalistang rebolusyon ug konstruksyon.

Kinahanglan nato nga subling palig-onon ang rebolusyonaryong linya ug praktika ni Kaubang Mao sa mapadayonon nga rebolusyon ubos sa proletaryong diktadurya pinaagi sa Bantugang Proletaryong Rebolusyong Pangkultura. Kinahanglan natong panghimaraoton ang pagtraydor sa maki-kapitalistang Tsino diha sa sosyalismo ug sa proletaryong linyang rebolusyonaryo ni Kaubang Mao. Kinahanglan natong batokan ang nagkalain-laing tendensiya nga rebisyonista nga nagsimang

sa sayantipikong esensya sa Marxismo-Leninismo-Maoismo ug sa kongkretong pagdapat niini sa rebolusyonaryong praktika. Mahimo nato kini sa pagbatok dili lamang sa mga tradisyonal nga tendensyang rebisyonista, klasiko ug moderno, kundili bisan sa mga misunod nga tipo o matang nga sama sa Hoxaismo ug Trotskyismo nga nagdala og rebisyonismo sa likod sa Ultra-Wala nga dagway.

Kinahanglan nato nga subling palig-onon ang atong determinasyon ug pagpaningkamot nga tumanon ang makasaysayanon nga misyon sa proletaryado nga i-asdang ang sosyalistang rebolusyon ug konstruksyon. Tanan nga mga daotan nga misaklob sa nasud nga kanhing anaa sa pagpangulo sa mga rebisyonista angay nga magpadilaab sa atong hukom nga ipasiugda ang Marxismo-Leninismo-Maoismo batok sa modernong rebisyonismo ug i-asdang ang rebolusyonaryong mithi sa sosyalismo.

Dihang panamtang nga nagmadaugon ang modernong rebisyonismo batok sa Marxismo-Leninismo ug proletaryong diktadurya, nakalunsad ang monopolyong kapitalismo sa pagpangulo sa imperyalismong US og pinakamangtas nga ataki batok sa proletaryado ug nilupigang

katawhan, sama sa globalisasyon sa "gawasnong merkado", rasismo, pagpanumpo ug gubat agresyon o pagpanulong. Isip tubag sa pagkusog sa pagpanaug-daug ug pagpahimulos, gipakusog sa proletaryado ug katawhan ang ilang pagsukol pinaagi sa armadong pakigbisog ug uban pang dagway sa pakigbatok.

Internasyonalistang katungdanan sa mga partidong Marxista-Leninista-Maoista ang maghiusa ug pukawon, organisahon ug palihokon ang proletaryado ug katawhan sa iya-iyahay'ng mga nasud ug sa tibuok kalibutan sa pakigbatok alang sa nasudnong kalingkawasan, demokrasya ug sosyalismo batok sa imperyalismo, rebisyonismo ug reaksyon. Pinaagi sa pagsaulog sa ika-50 ka tuig nga pakigbisog batok



sa modernong rebisyonismo, subli namong gipalig-on ang among baruganan nga magpursigir sa rebolusyonaryong pakigbisog ug manlimbasog nga kab-oton ang nagkadaugan ubos sa paggiya sa Maxismo-Leninismo-Maoismo.

Ipasiugda, depensahan ug i-asdang ang mga gipangtudlo nila Marx, Engels, Lenin, Stalin ug Mao!

I-asdang ang rebolusyon batok sa imperyalismo, rebisyonismo ug reaksyon!

Pasidunggan ang Bantugang Proletaryong Rebolusyong Pangkultura!

Mabuhay ang proletaryong internasyonalismo!

Mabuhay ang Marxismo-Leninismo-Maoismo!

Mga pasiunang milagda:

Partido Komunista sa India (Maoista); Partido Komunista sa Pilipinas; Partido Komunista sa Turkey / Marxista-Leninista; Ligang Komunista sa Indonesia

Kababayan-an sa China, gipalingkawas sa rebolusyon

Ang pagpalingkawas sa kababayan-an usa sa mga gibunga sa kadaugan sa nasudnon-demokratiko ug sosyalistang rebolusyon sa China sa pagpangulo sa Chinese Communist Party (CCP).

Hingpit nga giila ug gihataga'g bili sa CCP ang papel sa kababayan-an diha sa pagpaasdang sa rebolusyon aron taposon ang daang madaug-daogon nga sistemang semikolonyal ug semipyudal ug sa sosyalistang rebolusyon ug konstruksyon. Sumalà kang Mao Zedong, tserman sa CCP ug bantugang magtutudlo nga Marxista-Leninista: "Kung mo-alsa ang kababayan-an sa tibuok nasud, modaog ang rebolusyong Tsino."

Usà pa ang rebolusyon, ubos kaayo ang kahimtang sa kababayan-ang Tsino sa katilingban. Segun pa ni Kaubang Mao, kung ang kalalakin-ang Tsino nga gikan sa hut-ong sa naghagong masa niadtong panahona gidominahan sa tulo ka otoridad—politikang otoridad sa estado, otoridad sa kabanayan ug pamilya ug otoridad sa

ika-upat pa—ang otoridad sa kalalakin-an.

Sa karaang China—usà pa sa kadaugan sa bag-ong demokratikong rebolusyon—walay mahinungdanong papel ang kababayan-an sa produksyon. Hapit wala sila'y papel sa industriya. Gikapamenosan pagayo ang papel nila sa produksyong agrikultural. Tungod sa kawalay gahum sa produksyon, gikonsidera silang ubos itandi sa ang-ang sa kalalakin-an ug wala sila'y gahum nga manang-iya, magdumala, maghukom ug mangulo.

Ang mga kayutaan sa China niadto monopolisado sa dagkong agalong yutaan. Apan labaw pa niining kahimtanga, wala'y katungod nga manang-iya o magdumala sa yuta ang kababayan-an. Bugtong sa mga lalaki lamang ipanunod ug ipadumala

ang kabilin nga mga kayutaan sa ilang mga amahan.

Palakat na nga ang kababayan-an pangbalay lamang. Hapit wala sila'y kalahian sa ulipon. Ang mga inahan alang lamang sa pag-amuma sa mga anak, ug sila ug ang ilang mga anak nga babaye alang lamang sa pag-akatar sa mga gimbuhaton sa balay ug mga trabaho sama lamang sa pag-atiman sa mga binuhing hayop ug paghablon. Dili usab sila pa-eskwelahon. Wala sila langkoba sa katilingbanong aspeto sa kinabuhi. Pananglitan, kung ang mga kabusgidid-an sa mga kumbira sa templo nga anestral (ampoanan, kabutangan ug uban pa nga kabilin sa mga apohan), labaw'ng gidid-an ditdo ang kababayan-an.

Linugsanay sila nga magpakasal sa lalaki nga gipili sa ilang mga ginikanan (buya) ug sa mga tig-paris-paris (*matchmaker*). Wala sila'y katungod nga magminyò pag-usab ugaling mabyuda sila. Sa pikas bahin, gawasnon ang mga lalaki nga pulihan sila o mokuha og laing babaye ug ipuyò-puyò kini uban sa unang asawa. Ang pagpalit og babaye nga ipuyò-puyò kasagarang gihimo sa mga agalong yutaan. Kasagarang nag-gikan sa pinakakabus nga mga pamilya ang mga dugang asawa (*concubine*). Ang *concubine* wala ikonsidera nga kabahin sa pamilya, o wala ilha nga inahan bisan pa nga manganak siya sa maong balay.

Ugaling ang mga asawa tigulang na, magsakit o kaha sa pagtan-aw sa lalaki wala na kini'y bili, mahimo silang basta na lamang palayason sa balay. Sama sa yuta, kabtangan ug igbabaligya ang pag-ila sa

relihiyon—ang kababayan-ang Tsino domina-do sa





mga agalong yutaan sa kababayen-an. Ang pagkuha sa agalong yutaan og anak nga babaye sa mga mag-uma isip *concubine* pamaagi aron labaw'ng makontrol ang mga mag-uuma nga iyang gikasakopan.

Mga kadaugan sa kababayen-ang Tsino

Usâ pa ang pormal nga pama-hayag mahitungod sa pagkatukod sa People's Republic of China niadtong Oktubre 1, 1949, pormal nang gidokumento sa Common Program of The Chinese People's Political Consultative Conference (CPPCC) nga gipalig-on sa Unang Sesyong Plenaryo sa CPPCC niadtong Septembre 29, 1949 sa Beijing ang paghatag-bili ug pag-isa sa kahimutangan sa kababayen-an. Nahipatik isip ika-unom nga artikulo sa dokumento ang probisyon nga:

"Bungkagon sa People's Republic of China ang pyudal nga sistemang nangulipon sa kababayen-an. Gi-hatagan sila og katungod sama sa kalalakin-an sa natad sa politika, ekonomiya, kultura, edukasyon ug sa katilingban sa kinatibuk-an. Ipatuman usab ang patas nga katungod sa pakigminyô sa kababayen-an ug kalalakin-an."

Kaylap nga gipraktika sa tibuok China ang mga programa nga nag-pataas sa kahimtang sa kababayen-an sa nagkalain-laing natad sa ilang katilingban.

Sa produksyon. Sa pagkatukod sa People's Republic of China, gilunsad ang repormang agraryo sa China. Lakip ang kababayen-an sa mga nakabenepisyo sa yuta nga gi-apud-apod sa bag-ong gobyerno. Sa misunod nga pagpaasdang sa nagkataas nga ang-ang sa kooperasyon hangtud sa kolektibisasyon ug pagtransporma isip pangpublikong kabtangan sa mga kasangkapan sa produksyon sa panahon sa sosyalistang konstruksyon, nahataga'g dalan ang

labaw pang pagsalmot sa kababayen-an sa produksyon.

Minilyon-milyon nga kababayen-ang Tsino, nga sulod sa pila ka siglo nakulong lamang sa ilang mga panimalay, ang misalmot na sa kolektibong gimbuhaton sa produksyon. Tungod sa gahum nga dulot sa ilang katakus nga makatampo sa produksyon sa katilingban, paspas nga mitaas ang kahimtang sa mga babaye nga Tsino diha sa ilang mga pamilya, kabanayan, komunidad ug sa katilingban. Ug dili sama sa nanga-gi, padayon nga milapad ang ilang panglantaw ug kasayoran duyog sa paglapad sa ilang mga gimbuhaton ug pagtaas sa nahimutangang ang-ang ug kabililhon nila sa katilingban.

Sa Nasudnong Programa alang sa Pagpalambo sa Agrikultura sa panahon na sa sosyalistang konstruksyon sa China sukad niadtong 1956, gawas sa paghatag og takdang gidaghanon sa adlaw sa kababayen-an sa ilang pagsalmot sa mga gimbuhaton sa agrikultura, nahipatik usab ang prinsipyo sa "samang kitaon sa samang trabaho" sa kababayen-an bisan asa man sila manarbaho, duyog sa pagkonsidera usab sa ilang panglawas.

Partikular usab nga napatik sa Common Program ang probisyon mahitungod sa pag-atiman sa espesyal nga interes o panginahanglan sa kababayen-an sa mga pabrika.

Tungod sa paghatag og bili sa gobyerno sa katawhan sa papel sa kababayen-an, gikan sa ubos kaayo nga ang-ang sa partisipasyon, ang gidaghanon sa mga babaye sa kabanikanhan nga misalmot sa produksyon misangko na sa 70% sa sinugdanan sa paglambo sa sosyalismo niadtong 1958. Ug sa kasyudaran usab, mitaas ngadto 3.3 ka milyon (550% pagtaas sukad niadtong 1949) ang gidaghanon sa kababayen-a nga mamumuo sa mao

gihapong panahon.

Paghukom, pagpangulo, katu-ngod nga mopili ug mapili. Dakong kadaugan alang sa kababayen nga sa unang sesyong plenaryo pa lamang sa CPPCC niadtong 1949, adunay 69 nga babayeng misalmot (10.4% sa kinatibuk-ang delegasyon). Girepresentar niini ang kababayen-an sa tibuok China sa tigum kundiin gihisgotan ang konstruksyon sa nasud. Napili sa mahinungdanong mga posisyon sa plenaryo ang pila ka babaye nga delegado. Milapad ang partisipasyon dinhi sa kababayen-an sa mga mosunod pang katuigan.

Sa Electoral Law of the People's Republic of China nga gipalig-on niadtong 1953, gihimong balaud ang patas nga katungod sa mga babaye nga mosalmot sa eleksyon. Sa lokal nga eleksyon nga gilunsad nianang tuiga, kapin 90% sa kababayen-an ang mibotar ug mi-abot sa 17% sa mga napili mga babaye. Sa misunod gilayon nga eleksyon alang sa mga representante sa National People's Congress, misangko sa 12% sa mga napili mga babaye. Sa han-ay sa mga nasudnong minorya nga kanhing pinakakonserbatibo ug malupigon sa hisgutanan sa kababayen-an, 11% sa kinatibuk-ang representante mga babaye.

Edukasyon. Dugang mitaas ang ang-ang sa literasiya sa han-ay sa kababayen-an. Usâ ilunsad ang rebolusyon, 90% sa kababayen-ang Tsino ang dili maantigo sa pagsulat ug pagbasa. Gilunsad sa bag-ong gobyerno sa katawhan ang kaylap nga kampanya aron itaas ang ang-ang sa literasiya, edukasyon ug kultura. Nagpahigayon og mga pagtuon sa gabii ug bisan sa mga oras sa adlaw nga libre ang mga mamumuo. Sa pagdangat sa 1958, ang mga pagtuon sa kabanikanhan ug kasyudaran nagbunga og 16 ka milyon nga kababayen-ang mahimong makabasa.

Kasal ug pagminyò. Gitibuok ang bag-ong Balaud sa Pagminyò sa 1950 nga miila sa gawasnon ug patas nga katungod sa babaye ug lalaki sa pakigminyò nga nagsukad sa pagminahalay, monogamy (usa ra ka asawa) ug naghatag-proteksyon sa mga lehitimong katungod sa mga babaye ug bata. Gibasura niining balaura ang pyudal nga sistema sa pakigminyò sa China niadto kundiin palakat ang sinabotan na ug pinugsanay'ng pakigminyò ug superyoridad sa lalaki sa asawa ug mga anak. Gipaasdang usab niining balaura ang manag-angay nga katungod sa magtiayon sa kabtangan ug diborsyo. Signipikante nga mikunhod ang pagpangulata sa mga bana ug uban pang matang sa pagpanagmal. Nagbunga usab kini og pagwahing sa dakong ihap sa pinugos ug madaugdaogon nga mga kasal sa karaang gambalay hangtud sa dayon nang napuo ang liboan-ka-tuig nga sistema sa pyudal nga pagminyò.

Panglawas. Gikampaya ug gipaasdang ang planado nga pagpanaganak aron atimanon ang panglawas sa kababayen-an. Ingon usab, pamaagi kini aron kahatagan og mas dako nga kahigayonan ug oportunidad ang kababayen-an nga mosalmot sa gimbuhaton ug lambigitay sa katilingban ug makatuon ug dili lamang mahikot sa pagpanganak ug pag-atiman sa mga bata. (Gawas pa kini sa tinguha nga maplano ang ekonomiya base sa pagdako sa populasyon sa tumong nga mopaigo ang pagkaon, panarbaho ug seguridad alang sa katawhan.)

Pagdili sa prostitusyon. Gidili gilayon sa PRC ang prostitusyon (pamoring) sa China. Sa tibuok China, gilunsad ang kampanya batok sa prostitusyon nga mibiktima sa lino-libo nga kababayen-an. Gipasira ang mga balay-prostitusyon. Gitambalan ang mga babaye nga prostitut nga anaay balatian o nasakit.

Gihatagan sila og patuon, gitabangan nga mabuhì nga normal ug gihatagan og kahigayonan nga makakita og laing panginabuhian. Sulod lamang sa mubo nga panahon sa sosyalistang konstruksyon sa China, dayon nga nabungkag ug nawagtang ang prostitusyon sa nasud.

Sa proseso sa paglunsad og rebolusyon sa China ug sa panahon nga nakab-ot nila ang kadaugan, nakalingkawas ug nahataga'g bili ang kababayen-ang Tsino ug nakab-ot nila ang pagpataas sa ilang kahintang sa pamilya, kabanayan, komunidad ug sa tibuok katilingban. Gibungkag ang karaan, pyudal ug patriyarkal nga sistema nga pila ka

siglo nga miyatak sa mga katungod ug dignidad sa mga babaye sa China.

Nakakab-ot ang kababayen-an og gahum, pagtaas sa ilang nga katakus ug patas nga pagsalmot sa pangpolitika, pang-ekonomiya, sayantipiko-edukasyonal-kultural ug uban pang aspeto sa panginabuhing katilingbanon sa China. Gipaasdang ang kultura sa pagkaangay-angay. Gipakita sa kasinatian sa China nga bugtong sa pagdaog sa nasudnon-demokratiko ug sosyalistang rebolusyon mahuptan sa kababayen-an ang hingpit nga kalingkawasan duyog sa tanang uban pang lumulupyong sa katilingban. **AB**

Pagduaw ni Bush sa India ug Pakistan, gitagbo sa mga protesta

"Kamatayon alang kang Bush!" "Bush, tigpamatay'g tawo; pauli na Bush"! Kini ang suliyaw sa gatusan ka libong lumulupyong sa India ug Pakistan sa paglinding ni Pres. George W. Bush sa US sa ilang nasud niadtong unang semana sa Marso. Mi-adto si Bush sa India niadtong Marso 1-2 ug sa Pakistan niadtong Marso 4 ug 5 sa iyang pinaka-unang opisyal nga pagbisita sa duha ka nasud.

Sa iyang pagduaw sa India, tumong ni Bush nga kabigon ang simpatiya sa katawhan ilabina kay anaa'y estratehikong kamahinungdanon kining nasura sa hisgutanan nga politiko-militar sa Asia ug tibuok kalibutan. Apan nagkalain-laing protesta sa linibo-libo nga lumulupyong ang misugat kaniya. Misangko sa 100,000 ang mitambong sa demonstrasyon sa plasa sa Central New Delhi sa India. Lakip sa gisupak sa protesta ang magubaton nga palisiya sa gobyernong US ug ang pagpangataki ug pagpanakop niini sa Iraq ug Afghanistan. Mipadayon sa Pakistan si Bush luyo sa pagpamomba sa ilang embahada didto niadtong Marso 2 nga gikamatay sa tulo niini nga empleyado. Sama sa India, dakong duot usab ang lihok protesta nga mitagbo kang Bush sa Pakistan. Sa sobrang kahadlok niini ni Bush ug sa iyang itoy nga si Pres. Pervez Musharraf, gipadakop ug gipabilanggo ang usa ka lider oposisyon ug 350 nga mga aktibista nga mimakmak sa US. Napugos nga molanding sa Islamabad (kaulohan sa Pakistan) ang eroplano nga gisakyan ni Bush nga patay ang suga taliwala sa istrikto kaayong lakang pangseguridad. Kabad-kabad siyang mitago sa embahada sa US didto. **AB**

Pinaka-ulahing mga kaso sa pasistang pagpanumpo

DILI mokubos sa 17 na ka tawo sa nagkalain-laing dapit sa Pilipinas ang gipamatay sukad niadtong Enero sa walay hunong nga pasistang kampanya sa rehimeng Arroyo batok sa mga progresibong organisasyon ug partido ug mga sibilyan nga gikatahapang tigu-suporta sa rebolusyonaryong kalihukan. Usa ka progresibong lider usab ang gidagit ug wala pa hipalgi.

Gidagit sa pila ka armadong lalaki niadtong gabii sa Marso 3 sa Baler, Aurora si Joey Estriber, 35, pangkinatibuk-ang kalihim sa Bagong Alyansang Makabayan (BAYAN) sa probinsya. Sumala sa mga nakasaksi, gitionan siya og pusil ug linugsanay nga gipasakay sa usa ka pula nga Kia Besta nga *van* nga walay plaka. Mga elemento sa 48th IB ang gikatahapang midagit kang Estriber. Hangtud karon, wala pa siya hipalgi ug gikabalak-an nga patay na.

Sa Quezon, walay kukalooy nga gipatay sa *death squad* sa rehimen niadtong Pebrero 28 si Napoleon Pornasodoro, 45, titser sa Quezon National High School ug pangulo sa Southern Tagalog Teachers for Development (STATEMENT). Membro usab si Pornasodoro sa National Council sa Alliance of Concerned Teachers (ACT) ug kanhing opisyal sa BAYAN-Quezon.

Sa Northern Samar, gidagit, gikulata ug gipatay sa mga elemento sa 20th IB niadtong Pebrero 25 ang sibilyan nga si Jose Agas, 65, sa Barangay E. Duran,

Bobon matapos ang seres sa mga panagsangka tali sa militar ug Bagong Hukbong Bayan. Gipatay usab niadtong Pebrero 27 sa mga gikatahapang militar si Oswaldo Galos, barangay kapitan sa Trujillo, Bobon ug membro sa Bayan Muna. Kapin 2,000 nga mga tawo na ang napugos nga namakwit sukad nga gisugdan sa 20th IB, 82nd Recon Coy ug 63rd IB niadtong Pebrero 9 ang dinagkong operasyon-militar ug paglapas sa tawhanong katungod sa lumulupyo sa Bobon, Lope de Vega ug Catarman sa Northern Samar ug sa Oquindo District, Calbayog, Samar.

Samtang, gitaho ni Jorge "Ka Oris" Madlos, tigpamâbâ sa NDF-Mindanao nga sukad niadtong Enero niining tuiga, mi-abot na sa 14 nga mga lider masa sa isla ang gipatay sa mga armadong gaway sa itoy-pasistang rehimeng Arroyo. Lakip niini ang tulo ka lider sa komunidad sa Makilala, North Cotabato; usa ka lider sa kapunongang transportasyon sa Davao City; ug 10 nga mga lider mag-uuma—usa sa Cagwait, Surigao del Sur; tulo sa San Luis, Agusan del Sur; usa sa Bislig City; usa sa Kitcharao, Agusan del Norte; ug upat sa Cecilia, Bayugan, Agusan del Sur.

Sa Cagayan de Oro, gisulod ug gi-ukadyang niadtong gabii sa Marso 6 sa mga gikatahapang tropa sa 4th ID ang opisina sa Bayan Muna-Northern Mindanao.

Kawalay aksyon sa gobyerno, gimakmak sa biktima sa panglugos


NAGSAYSAY atubangan sa mas-midya niining Marso 4 ang Pilipina nga gilugos sa upat ka sundalong Amerikano sa Subic, Zambales niadtong Nobembre 1, 2005 aron makmakon ang pagwahing sa iyang kaso sa rehimeng Arroyo. Sa usa ka interbyu sa masmidya, gibungat sa biktima nga ginganla'g "Nicole" sa ABS-CBN nga gikasuko niya pag-ayo nga mas gihataga'g bili sa rehimen ang "maayong relasyon" tali sa US ug Pilipinas itandi sa pagpangita og hustisya sa iyang kaso.

Giila niya nga pagpanindot sa hulagway ug pagtabon sa mga pagpanginlabot ug mga krimen nila sa nasud maoy katuyoan sa

pagsalmot sa mga sundalong Amerikano sa *search and rescue operations* sa Ginsaugon, St. Bernard, Southern Leyte nga na-igo sa *landslide*. Gipangayo niya sa gobyernong Arroyo nga ihingusog niini ang kustodiya sa upat ka akusado nga sundalong Amerikano inay nga itugyan lamang sa mga otoridad sa US ang paghupot kanila. Pormal nga gisurender sa gobyernong Arroyo sa US niadtong Enero ang katungod niining huptan ang mga akusado. Gipanghimakak usab sa biktima ang mga mikaylap nga balita nga gibayran na siya aron i-atras ang reklamo. Niya pa, ipur-sigir niya ang kaso bisan pa nga dili siya tabangan sa gobyerno.

Manilhigay sa MMDA, nagprotesta

MISANGKO sa 200 nga mga manilhigay nga empleyado sa MMDA (Metro Manila Development Authority) ang nagprotesta niining Marso 5 tungod kay kapin usa ka tuig na nga nalangan ang ilang Cost-of-Living Allowance (COLA). Mitindog sila sa tunga sa haywey ug gibabagan og 20 minutos ang mga sakyanan sa EDSA duol sa opisina sa MMDA sa Magallanes, Makati City. Ang protesta gipanguloan sa ilang organisasyon nga Sakamay, nga kasamtangang nakignegosasyon alang sa usa ka Collective Negotiating Agreement (CNA). Adunay kapin-kon-kulang 1,000 nga mga manilhigay ubos sa MMDA.



ANG

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Bisaya
Bolyum XXXVII Numero 5
Marso 7, 2006
www.philippinerevolution.org

Editorial

Batokan ang teroristang paghari sa rehimeng Arroyo

Matapos lamang ang usa ka semana, napugos na si Gloria Arroyo nga bakwion niining Marso 3 ang iyang gideklarang proklamasyon nga nagbutang sa tibuok nasud ubos sa "state of emergency." Sumalà sa iyang mga bata-bata, nawagtang na kuno sa dakong bahin ang hulga sa seguridad sa nasud. Gideklara niya ang Presidential Proclamation 1017 niadtong Pebrero 24.


Ang tinuod, gisugat sa kaylap ug kusganon nga pagmakmak ang PP 1017 sulod ug gawas sa Pilipinas. Gikwestyon ang ligalidad sa deklarasyon. Gipanghimakak ang giingon nga mga basehan niini. Wala tumana ang mga pagdili sa rali ug uban pang pagprotesta. Dugang milapad ang pakigbatok sa katawhan ug mga panawagan nga palagpoton si Arroyo.

Gihimo ni Arroyo ang paaron-ingnon nga pagbakwi sa PP 1017 tungod kay naglisud kining atubangan ang kaylap nga pagmakmak, ug aron unhan ang un-samang posibleng hukom sa Korte Suprema mahitungod niini. Apan padayon ang iyang pagpanglingla, pagpamakak ug pagpamig-ot. Wala kini'y kalahian sa minì nga pagwagtang sa balaud militar ni Marcos dihang gideklara niya ang "normalisasyon" niadtong 1981.

Nagsunod sa pasundayag nga pagbakwi sa PP 1017,

gideklara ni Arroyo ug sa iyang mga bata-bata nga padayon niining lutoson ang kunohay mga "kakunsabo sa kudeta." Duyog niini, gipagula ang mga panghuraw nga regulasyon alang sa masmidya aron segurohon nga motuman kini sa mga "gibadlis nga sukdanan" sa rehimen. Padayon nga target sa mapanumpuon nga lakang ang lapad nga nagkahiusang prente sa mga patriyotiko, demokratiko ug progresibong pwersa ug uban pang pwersang nakigbatok sa rehimen.

Nanghulga ang rehimen nga ibalik niini ang PP 1017 o susama niini "kung gipangayo pag-usab sa kahimtang." Padayon ang kaylap nga pasistang kontra-opensiba sa nagharing itoy ug pasistang rehimeng Arroyo aron ipabilin ang kaugalingon sa gahum ug ipahamtang ang labaw'ng mangilngig pang mga palisiyang antinasyonal, anti-



Mga nagbaga ning isyuha...

Pasismo ubos sa Proclamation 1017

PANID 3

Tubag sa BHB sa Proclamation 1017

PANID5

"People Power," unang halad sa Sine Proletaryo

PANID 12

Mga instruksyon sa pagmantala

1. Ang **gisundan nga panid**, nga insaktong kopya sa panid 1 gawas nga daw abohon ang *masthead* o *logo* alang sa mga tiggamitan og *mimeo machine* o nagmantala pinaagi sa *v-type* (hagod). Gidisenyo kini aron dili daling maguba ang istensil.

2. Pag-*print* sa istensil:

- a) Sa *print dialog*, i-check ang **Print as image**
- b) Tangtangan ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Segurohon nga naka-set sa **100%** ang **Scaling**
- d) Ipadayon ang pag-*print*

3. Gi-awhag ang mga kauban nga ipadangat sa editoryal istap sa *AB* ang unsamang problema kalambigit sa pagmantala pinaagi sa *v-type*. Magpadala og *email* sa *angbayan@yahoo.com*